



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Stephani Thevpoli Bened. F. Patric. Veneti,
Academicarum Contemplationum Lib. X**

Piccolomini, Francesco

[Basel], 1590

VD16 ZV 12463

An dentur Daemones, sententia Arist. Cap. 2.

urn:nbn:de:hbz:466:1-12918

An dantur Dæmones, sententia Aristotelis.

CAP. II.

Dæmones, qui ferè omnium gentium, sapientumque consensione conceduntur, & approbantur ab Aristotele, quasi sphingis, & chimerae inania nomina negliguntur: quod ex eo manifestissimè patet, quia nūquam, quid sit Dæmon, manifestauit. Insuper, ea omnia opera, quæ alij Dæmonibus tribuunt, ipse retulit in naturam, in proprietates rerum natura constantium, in humores hominum, in conditio-
nes halituum; adeò, ut nullum Dæmonū de reliquerit usum, ut patet ex 30. part. problema te primo, ex 7. de Moribus cap. 3. & locis aliis. Legitur etiam in lib. de Mundo ad Alexandr. multis in locis orbis, exitus spirituum patefieri: qui partim fanatico furore afficiunt homines propriis accedentes; partim tabifica vi absunt; partim fatidicos efficiunt; ut Delphici, & Lebadici; sunt &c. & ob hanc rationem, ut iam dixi, Aristoteles in lib. de Diuinatione per somnium, Naturam dicit Dæmoniam; quia ea efficit, quæ alij Dæmonibus tribuunt. Quod Arist. Dæmones non admiserit, etiam ratione confirmari potest. Nam si dantur Dæmones, vel sunt seiuicti ab omni corpore, vel cum corpore aliquo iuncti: non seiuicti, quoniam Aristoteles in 12. Metaph. neque intelligentiam ullam ponit non iunctam corpori; si sunt iun-

& in corpori, vel æterno, vel mortali: non æternos: quia id est cœlum, in quo solæ locantur intelligentiae: non mortali, quia vel erit simplex, vel mixtum: non simplex: quoniam in simplicielemento negat reperiri animam, in 1. & 2. de anima: & in mortalibus negat reperiri animam sine corpore instrumentario, vel potentiam animæ superiorem sine inferioribus: non potest esse corpus mixtum: quoniam huiusmodi omnia corpora sub sensum cadunt, Dæmones sensu non percipiuntur. Ideo Arist. in quarto Meteororum inquit: Et in terra, & in aqua solum animata existunt, in aere autem, & igne nulla sunt; quia corporum materia hæc. Eo in loco recte Olympiodorus considerauit damnari ab Arist. sententiam Platonis: qui in igne maximè longæua, in aere minùs, ponebat animantia. Et in primo de historia animalium cap. 1. inquit: Nullum est animal, quod tatum aereum sit: adeò, ut nunquam descendat, & requiescat in terra: & hoc dixit: quia censuit animalia omnia à principatu molis esse terrea. Pater itaque in conspicuo errore eos versari, qui asserunt Arist. posuisse Dæmones: cum enim nos per conspicua loca, debeamus obscuram, & latentia illustrare: hi è contra per nonnulla latentia, ea, quæ conspicua sunt, obscurant, atque peruerunt. Manifestè igitur Arist. neglexit Dæmones. Quòd si in 5. Metaph. de illis facit mentionem inquiens: Substantia sunt simplicia corpora, quæ ex his constat,

N 4

& animalia, & Dæmonia: putadum est, quod, vel substantias enuimerauerit ex communia liorum, & præsertim Platonis opinione, ut sepe in alieno loco facere consueuit; vel per Dæmonia denotauerit omnem substantiam diuinitatis compotem. At afferunt, qui secus censem, pro comprobanda sua opinione locum ex i. de Gener. animalium cap. II. ubi quærens Arist. cur plures rerum differentiæ existantia huimore, quam in terra soluens, inquit; An, quia humor naturam habet ad effingendum, afformandumque habiliorem. Cæterum mare sua natura calidum est, & particeps omnium partium inuenitur, videlicet humoris, aeris, terræ: Itaque omnia adipiscitur, quæ singulis his locis gignuntur. Plantas enim Terræ incolas esse, quis statuerit; Aquæ, aquatilium animalium genus; Aeris, ~~τὰ πεζὰ~~ siue pedestria; sed quod magis, minusve, & remotius, aut proprius, res constet magna, miraque differentia existit. Quartum genus non in his locis querendum est, quamquam aliquid esse exigit ordine ignis, id enim quartum corpus enumerratur: Verum ignis semper formam non propriam habere videtur, sed in alio corpore; aut enim aer, aut fumus, aut terra esse videtur, quod ignitum est, sed enim genus hoc apud Lunam querendum est: hæc enim quartam illam differentiam adipisci videtur, &c. Hæc Arist. Ex quibus nonnulli colligunt, Aristot. in sphæra ignis sub cœlo collocasse Dæmones.

Ferè

Ferè similem sentētiam protulit in lib. de Respiratione. Sed falluntur; quoniam manifestis simē in locis propriis neglexit Dæmones, ut apparuit in præcedentibus. Verba supra relata, apprimē sunt obscura; nec per obscura evocata sunt loca perspicua. Et pro solutione dicere possumus, quòd si Aristot. denotauit Dæmones, id fecit ex sententia Platonis, ut inquiunt nonnulli. Vel dicamus, quòd dum Aristot. inquit; Quartum genus non in his locis quærendum est; non de Dæmonibus, sed de igne loquitur: Nam animalia debet apud nos fieri: apud nos autem non est elementū ignis, sed apud Lunam; ideo non dantur animalia igni respondentia: Sic Auer. ex eo loco colligit, minimē dari animalia ignea. Vel dicamus, quartum id genus animalium, apud Lunam esse quærendum, & considerandum, an ibi inueniri possit; at ex alibi declaratis constat, ibi animalia non reperiuntur: nam in secundo de Gener. animalium cap. 3. inquit; Quamobrē ignis nullum animal generat; nec constitui quicquam densis, vel humidis, vel siccis videtur; nam calor animalis, nec ignis est, nec ab igne ducit originem. Ita etiam in quarto Meteororum inquit, in ventriculo ob calorem non posse gigni vermes. Constat itaque; siue Aristotleles per quartum genus denotet ignem, siue denotet quartum animalium genus; semper auctoritatem illam reddileuem, & nullius momenti.

N 5